


Ni Presidente Henry B. Eyring

Umuna a Mammagbaga iti
Umuna a Panguluen



Ti Gunggona ti Panagibtur a Nasayaat

I di agtutuboak, nagserberiak iti Simbaan kas mammagbaga iti masirib a district president. Kanayon nga ikarkarigatanna ti mangisuro kaniak. Malagipko ti maysa a balakad nga intedna kaniak idi: “No adda maammom a tao, tratuem ida a kasla nadagsen dagiti parikutda, ket hustokanto iti inaramidmo.” Impagarupko ngarud idi a negatibo dayta a saona. Itan, nasurok a 50 a tawenen kalpasanna, makitak no kasano ti panagawatna iti lubong ken ti biag.

Addaantayo amin iti pannubok a sarangten—no daduma, dagiti nakarigrigat a pannubok. Ammotayo nga ipalubos ti Apo a maipasangotayo kadagiti pannubok tapno mapasayaat ken mamulitayo tapno makadennatayonto Isuna iti agananayon.

Insuro ti Apo ni Propeta Joseph Smith iti Liberty Jail a ti gunggona para iti panagibtur a nasayaat kadagiti pannubokna ket dayta ti mangitundanto kenkuana iti biag nga agnanayon.

“Anakko, pagtalnaem ti kararuam; saan nga agbayag ti rigatmo ken dagiti sagabaem;

“Ket kalpasanna, no agituredka, itan-oknakanto ti Dios iti ngato; agballigikanto kadagiti amin a kabusormo” (DkK 121:7–8).

Nakaad-adu dagiti bambanag a mangparigat kadatayo iti daytoy a biag a kasla narigat nga ibturan a nasayaat.

Mabalin a kasta iti maysa a familia nga agdepedendar kadagiti mulmula ngemawan met tudo. Mabalin a panunotenda, “Kasano ti kapaut ti panagituredmi (nga awan ti tudo)?” Mabalin a kasta iti maysa nga agtutubo a naipasango no kasano a pagkedkedanna ti agsaknap a kinarugit ken pannulisog. Mabalin a kasta iti maysa nga agtutubo a lalaki a mangikarkarigatan a makagun-od iti adal wenno panagsanay a kasapulanna para iti trabaho tapno masupportaranna ti asawa ken familia. Mabalin a kasta iti maysa a tao a saan a makabirok iti pagtrabahuan wenno naikkat a naggigiddan dagiti trabahona gapu iti panagserra dagiti negosio. Mabalin a kasta kadagiti naipasango iti panagkapuy ti salun-at ken pigsas ita bagi, a mabalin a dumteng a nasapa wenno naladaw iti biagda wenno iti biag dagiti patpatgenna.

Ngem ti managayat a Dios ket saan a mangted iti kakasta a pannubok kadatayo tapno kitaenna laeng a kabaelantayo nga ibturan ti rigat ngem ketdi tapno kitaenna no maibturantayo dagitoy a nasayaat ken tapno agbalintayo a nasayaat.

Insuro ti Umuna a Panguluen ken ni Elder Parley P. Pratt (1807–57) idi kaaw-awag isuna a miembro ti Korum dagiti Sangapulok-ket-dua nga Apostol: “Nailistakayo iti maysa a panggep nga agkasapulan iti naan-anay nga atensionyoy; . . . tapno agbalinkayo a napapino a teddek.

. . . Nasken nga ibturanyo dagiti adu a panagbannog, adu a panagtrabaho, ken adu a kinarigat ken pannubok tapno agbalinkayo a naan-anay a napapino. . . . Kasapulan kadakayo ti Nailangitan nga Amayo daytoy; kukuana ti katalalunan; ken Isunto ti . . . mangparagsak kadakayo . . . ken mangparegta kadakayo.”¹

Iti libro ti Hebreo, isarita ni Pablo maipapan ti bunga ti panagibtur a nasayaat: “Awan ti dusa nga ita maipagarup a pagragsakan no di ket pagladingitan: ngem kalpasanna pataudenna ti natalna a bunga a maipaay kadagiti nairuam iti daytoy” (Hebreo 12:11).

Dagiti pannubok ken rigrigattayo ti mangted iti gundaway kadatayo nga agsursuro ken dumur-as, ken dagitoy pay ti mangbalbaliw iti mismo nga ugalityo. No makaasidegtayo iti Mangisalakan no adda dagiti kari-rigatan a pannuboktayo, mapapino dagiti kararuatayo no agiburtayo.

Ngarud, ti umuna a banag a laglagipen ket agkararag a kanayon (kitaen iti DkK 10:5; Alma 34:19–29).

Ti maikadua a banag ket agtultuloy a mangikagumaan nga agtungpal kadagiti bilin—ania man ti pagsusupadian, ania man ti pannulisog, wenno riribuk iti aglawlawtayo (kitaen iti Mosiah 4:30).

Ti maikatlo a nasken a banag nga aramiden ket agserbi iti Apo (kitaen iti DkK 4:2; 20:31).

Iti panagserbi iti Maestro, maam-ammo ken maa-yattayo Isuna. No agtultuloytayo iti panagkararag ken napudno a panagserbi, mangrugi a mailasintayo ti ima ti Mangisalakan ken ti impluensia ti Espiritu Santo iti panagbiagtayo. Iti sumagmamano a panawen adu kadatayo ti naikkan iti kasta a serbisio ken nakarikna iti dayta a panangkadkadua ti Espiritu Santo. No malagipyo dayta a panawen, malagipyonto nga adda dagiti panagbalbaliw kadakayo. Kasla bimmassit ti pannulisog nga agaramid iti dakes. Nanayunan ti tarigagay nga agaramid iti ad-adu pay a kinaimbag. Mabalina a kinuna dagiti makaam-ammo unay kadakayo ken mangay-ayat kadakayo: “Nagbalinka a nasingsingpet ken naan-anus. Kasla saan a dakayon daydi sigud a tao idi.”

Saan a dakayon daydi sigud a tao. Nagbalbaliwkayon babaen ti Panagbayad-basol ni Jesucristo gapu ta nagpan-nuraykayo Kenkuana iti panawen ti pannubokyo.

Ikarik kadakayo nga umayto ti Apo mangsaranay kadakayo kadagiti pannubokyo no agkalikagum ken agserbi-kayo Kenkuana ken mapapinonto ti kararuayo iti dayta a

wagas. Karitenkayo nga agtalekkayo koma Kenkuana iti amin a rigrigat wenno sagabaenyo.

Ammok a sibibiag ti Dios nga Ama ken dengdengen ken sungsubatanna ti tunggal kararagtayo. Ammok a ti Anakna, ni Jesucristo, ket nagsagaba iti amin a basbasoltayo ken kayatna nga agsublitayo Kenkuana. Ammok a bamban-tayannatayo ti Ama ken ti Anak ken insaganadan ti maysa a wagas tapno makaiburtayo a nasayaat ken makaawiditayo manen iti nailangitan a pagtaengan.

NAGADAWAN

1. *Autobiography of Parley P. Pratt*, ed. Parley P. Pratt Jr. (1979), 120.

PANANGISURO MANIPUD ITI DAYTOY A MENSAHE

Addaantayo amin kadagiti pannubok a mangsubok iti pammati ken kabaelantayo nga agibtur. Ibilangyo dagiti kasapulan ken pannubok dagiti sursuruanyo. Sakbay ti panagbisita, mabalinyo ti agkararag para iti pannarabay tapno ammuen no kasano a nasaysayaat a matulongan ida nga agibtur a nasayaat. Mabalina a ibilangyo ti panangilawlawag nga agpada dagiti prinsipio ken nasantuan a kasuratan a dinakamat ni Presidente Eyring, agraman ti panagkararag, panagserbi, ken panagtungpal kadagiti bilin. Mabalinyo pay nga ibinglay dagiti bukod a padpadas no kasano a naparaburankayo kadagiti wagas a nakatulong kadakayo nga agibtur a nasayaat.

AGTUTUBO

Idi Pimmusay ti Gayyemko

Ni Samantha Linton

Kabayatan ti maikatlo a tawenko iti haikul, adda brain aneurism ti gayyemko ken pimmusay iti kabi-gatanna. Nupay miembroak ti Simbaan, narigattannak pay laeng. Nasuruanak iti unos ti biagko a makaaside-gak iti Nailangitan nga ama ken iti Mangisalakan para iti ania man a banag, ngem diak kaano man napadasan ti kastoy a banag idi.

Nagsangitak iti napaut, a mangikarkarigatan a makasapul iti maysa a banag—ania man a banag—a mangted kaniak iti talna. Iti sardam kalpasan ti ipupusayna, linukibko ti hymnbook. Bayat ti pananglukibko kadagiti panid, naawis ti pasneko iti “Abide with Me;

'Tis Eventide" (*Hymns*, no. 165). Naawis ti imatangko iti maikatlo a berso:

*Agkaduata, 'ta a sardam,
Rabii a naliday
No dika makasao man,
Ken dinak lawagan.
Sipnget ti lubong, pagamkak,
Agtalinaed pagtaengak.
O Apo, kadmadaennak;
Adtoy, 'ta a sardam.*

Daytoy a berso ti nangpatalinaay unay kaniak. Ammok ngarud idin a saan laeng a makapagtalinaed ti Mangisalak kaniak iti dayta a sardam no di ketdi ammona pay a husto no ania ti marikriknak. Ammok a ti ayat a nariknak babaen ti himno ket saan laeng a nangliwliwa kaniak no di ketdi nangpatibker pay kaniak nga agibtur iti adu a dadduma pay a pannubok nga inibturak.

Agnaed ti nagsurat iti Utah, USA.

Mabalinyo nga idownload ti "Abide with Me; 'Tis Eventide" iti lds.org/go/7176.



Tapno Makipagaysada

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawattayo iti panggep ti Relief Society ket mangisagananto kadagiti annak a babbai ti Dios para kadagiti bendision ti agnanayon a biag?

Pammati, Pamilia, Tulong

“Nagun-od ni Jesus ti naan-anay na kaykaysa iti Ama babaen ti panangiruknoyna ti Bagina, agpada a lasag ken espiritu, iti pagayatan ti Ama,” insuro ni Elder D. Todd Christofferson ti Korum dagiti Sangapulo-ket--dua nga Apostol.

“... Awan duadua a saantayo a makipagmaymaysa iti Dios ken ni Cristo agingga a ditayo aramiden a kangrunaan a tarigagaytayo ti pagayatan ken interesda. Ti kasta a panangiruknoy ket saan a matungpal iti maysa nga aldaw, ngem babaen ti Nasantuan nga Espiritu, suruannatayonto ti Apo no agtallugodtayo agingga nga iti panaglabas ti panawen, makunanto a husto nga adda kadatayo Isuna a kas ti kaadda ti Ama Kenkuana.”¹

Ni Linda K. Burton, Relief Society General President, insurona no kasano nga itrabaho daytoy a panagkaykaysa: “Ti panagaramid ken panagtungpal kadagiti katulagantayo ken panangyebkas iti panagkumittayo nga agbalin a kas iti Mangisalikan. Ti kasayaatan ket

panagkagumaan para iti ugali a kapintasan a maipeksa iti sumagmamano a binatang ti maysa a paborito a kanta: ‘Innako *kayatmo* a papanak. . . . Sawekto *kayatmo* a sawek. . . . Agbalinako *kayatmo* a pagbalinak.’”²

Impalagip pay kadatayo ni Elder Christofferson “no itrabahotayo iti inaldaw ken linawas a mangsurot iti dalan ni Cristo, ipatalged ti espiritu ti kinaindaklanna, tumalinaay ti dangadang iti kaunggan, ken agsardeng a mangriribuk dagiti pannulisog.”³

Ni Neill F. Marriott, Maikadua a Mamagbaga iti Young Women General Presidency, paneknekanna dagiti bendision ti panangkagumaan a mangitunos iti pagayatantayo iti pagayatan ti Dios: “Inkarigatak a mangikkat iti mortal a tarigagay a maaddaan kadagiti banag iti *bukodko* a wagas, idi agangay in-inut a naamirisko a ti wagasko ket agkurang, limitado, ken iti ruar ti wagas ni Jesucristo. [‘Ti dalan ti Nailangitan nga Amatayo] isu ti dana nga

agturong iti kinaragsak iti daytoy a biag ken agnanayon a biag iti umay a lubong.”⁴ Sipapakumbabatayo koma a mangikarigatan ti makimaymaysa iti Nailangitan nga Amatayo ken iti Anakna, ni Jesucristo.

Dagiti Mainayon a Nasantuan a Kasuratan ken Impormasion

Juan 17:20–21; Taga Efeso 4:13; Doktrina ken Katulagan 38:27; reliefsociety.lds.org

DAGITI NAGADAWAN

1. D. Todd Christofferson, “That They May Be One in Us,” *Liahona*, Nob. 2002, 72, 73.
2. Linda K. Burton, “The Power, Joy, and Love of Covenant Keeping,” *Liahona*, Nob. 2013, 111.
3. D. Todd Christofferson, “That They May Be One in Us,” 71.
4. Neill F. Marriott, “Yielding Our Hearts to God,” *Liahona*, Nob. 2015, 32.

Ibilang Daytoy

Kasano a makatulong kadatayo nga agbalin nga adadda a kas Kenkuana ti panagaramiditayo iti pagayatan ti Dios?